

Alonso Boekhoudt di APA

A cuminsa cu cortamento di tankinan na entrada di waf

DIRECTOR di Aruba Ports Authority, sr. Alfonso Boekhoudt a duna un splicacion con e crecimiento na waf tabata pa 2011 pa loke ta container y otro sorto di carga y kico t'e espectativanan

p'e añanan nos dilanti.

"Na 2011 cos a bay hopi bon pa APA. Nos a conoce un crecimiento den tanto e parti di carga como den e parti crucero. E parti di carga t'e entrada principal".



E aña aki caba e proyecto pa kita e tankinan ta bay wordo realisa. Sr. Alfonso Boekhoudt a bisa cu e Infra-Team di Gobierno ta trahando hopi duro riba e parti aki. "Nos a wak cu cortamento di e tankinan a cuminsa y nos ta bay

wak cu ya na luna di maart tur hende por cuminsa nota cu e tankinan cu pa añanan no ta den funcion mas, ta bay desaparece di unda nan ta awor na waf. Despues ta sigui e parti pa bin cu e infraestructura eynan sigui

p'e cambionan pa loke ta entrada y salida di waf di pariba pa e bin exactamente na unda e 'Streetcar' ta bay core. Na lugar di e tankinan ta bay bin algo sumamente positivo p'e industria crucero".